



Broj: 04-40-1-90/20
Sarajevo, 31.03.2020. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 30.03.2020. do 08:30 sati 31.03.2020. godine

U skladu sa ovlaštenjima koje ima prema Zakonu o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), kao i drugim podzakonskim propisima iz oblasti zaštite i spašavanja, te Odluci Vlade Kantona Sarajevo o proglašenju stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID-19) na području Kantona Sarajevo, broj: 02-04-7986-1.1/20 od 18.03.2020. godine, Štab civilne zaštite Kantona Sarajevo (u daljnjem tekstu: Štab) je u toku jučerašnjeg dana nastavio sa aktivnostima na provođenju preventivnih mjera na smanjenju opasnosti od širenja zarazne bolesti uzrokovane koronavirusom (COVID-19) na području Kantona Sarajevo.

Štab je održao sjednicu na kojoj je analizirao trenutno stanje na području Kantona Sarajevo uzrokovano pojavom koronavirusa (COVID-19), kao i mjere i aktivnosti koje su poduzete od strana Štaba i svih kantonalnih organa uprave, ustanova, institucija i općinskih štabova civilne zaštite na provođenju naredbi nadležnih štabova civilne zaštite.

Štab je na sjednici donio i slijedeće naredbe:

- Naredbu kojom se naređuje Kantonalnoj upravi civilne zaštite Kantona Sarajevo, da iz svojih rezervi izdvoji sve raspoložive količine zaštitnih maski, rukavica, zaštitnih odijela,



vreća i dezinfekcionih sredstava i stavi ih na raspolaganje Štabu, a koji će iste raspodijeliti prema prioritetima;

- Naredbu kojom se određuje, da se naredba kojom je naređeno privremeno obustavljanje rada svih prodavnica u trgovačkim centrima, osim prodavnica osnovnih prehrambenih artikala i apoteka na području Kantona Sarajevo primjenjuje do daljnjeg.
- Naredbu kojom se naređuje trgovinama koje su izuzete tačkom 2. naredbe Federalnog štaba civilne zaštite, broj: 12-40-6-148-26-1/20 od 27.03.2020. godine, da organizuju rad do 18:30 sati, izuzev dežurnih apoteka.

Služba za veterinarske poslove je u toku jučerašnjeg dana bila angažovana na planskoj dezinfekciji objekata i javnih površina pravnih i fizičkih lica i zajedničkih prostora na području općina u Kantonu Sarajevo.

U toku jučerašnjeg dana u skladu sa naredbom Štaba, volonteri općinskih organizacija Crvenog križa su dostavili lijekove na adrese 43 osobe starije od 65 godina koje nemaju bližnjeg srodnika da se brinu o njima.

Općinski štab civilne zaštite Stari Grad:

U skladu sa vanrednim operativnim planom pranja i dezinfekcije javno-prometnih površina u toku jučerašnjeg dana je vršeno pranje i dezinfekcija slijedećih ulica: Sarači, Trg oslobođenja, Telali, Štrosmajerova, Sagrdžije, Safveta bega Bašagića, Petrakijna, Obala Kulina Bana, Mustaj-pašin međan, Ferhadija, Čumurija, Brodac, Baščaršija i Abadžiluk.

Na osnovu finansijske pomoći koje je Općinski štab civilne zaštite Stari Grad dodijelio: Kuhinji Stari Grad (30.000,00 KM) ista na dnevnoj bazi priprema 304 obroka i dijeli osobama koje su u stanju socijalne potrebe, kuhinji Crvenog križa Stari Grad (5.000,00 KM) ista na dnevnoj bazi priprema 23 obroka i dijeli svojim korisnicima, VD Vratnik u kojem je formirana općinska služba zaštite i spašavanja (6.000,00 KM) čiji pripadnici svakodnevno rade na planskom pranju ulica, DZ Stari Grad u kojem je formirana općinska služba zaštite i spašavanja (20.000,00 KM), čiji pripadnici svakodnevno obilaze pacijente na osnovu zapremljenih poziva u Općinskom operativnom centru civilne zaštite. Općinski štab civilne zaštite je također, angažovao udruženje „Generacija“ čiji pripadnici su na više od 50 adresa podijelili gelove, maske i rukavice, kao i sekretare mjesnih zajednica koji su podijelili hljeb 281 penzioneru koji su stariji od 65 godina.

Općinski štab civilne zaštite Ilijaš:

Općinski štab civilne zaštite je održao vanrednu sjednicu na kojoj je analizirano stanje na području Općine Ilidža, kao i mjere i aktivnosti koje su poduzeti u prethodnom periodu na suzbijanju širenja koronavirusa, te odlučeno da se nastave aktivnosti na preventivnom djelovanju i nabavci zaštitne opreme i dezinfekcionih sredstava. U toku jučerašnjeg dana izvršena je podjela paketa sa prehrambenim proizvodima osobama koje su u stanju socijalne potrebe i bolesnim osobama.



web: <https://kucz.ks.gov.ba>

e-mail: oc@kucz.ks.gov.ba

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1

Općinski štab civilne zaštite Hadžići:

Služba za vodosnabdijevanje i asanaciju terena izvršili su dezinfekciju ulica i dječijeg javnog igrališta. Navedena Služba je također, zbog pojačanog broja migranata u kampu Ušivak, tri puta u toku jučerašnjeg dana dostavila pitku vodu sa cisternom kao dopunu rezervoara u kampu, te radila na uspostavljanju adekvatnog vodosnabdijevanja objekata Federalnog MUP-a u Suhodolu. U toku jučerašnjeg dana donirana je određena količinu opreme Domu zdravlja Hadžići i nastavljena je akcija podjele paketa sa osnovnim životnim namirnicama osobama koje su u stanju socijalne potrebe. Općinski štab civilne zaštite je preduzeo aktivnosti na uspostavljanja mehanizma distribucije lijekova osobama starijim od 65 godina koji nemaju bližnjeg srodnika.

Općinski štab civilne zaštite Vogošća:

U skladu sa Naredbom Općinskog štaba civilne zaštite pripadnici VD Vogošća su izvršili dezinfekciju svih ulica na području MZ Kobilja Glava, naselja Barica, Rosulje i Blagovac I, II i III, dok su aktivisti Crvenog križa Vogošća bili angažovani na dostavi toplih obroka, lijekova i paketa sa osnovnim životnim potrepštinama osobama koje su u stanju socijalne potrebe. Uspješno su uvezane OJ Dom zdravlja Vogošća i Općinska organizacija Crvenog križa Vogošća, čiji će volonteri dostavljati lijekove osobama starijim od 65 godina koje žive same i koje nemaju bližeg srodnika da se brine o njima.

Općinski štab civilne zaštite Trnovo:

U proteklom periodu Općinski štab civilne zaštite je provodeći naredbi nadležnih štabova civilne zaštite poduzeo slijedeće aktivnosti: nabavljena je zaštitna oprema za osoblje DZ Trnovo, postavljen je šator za trijažu, izrađen je i distribuiran letak s naredbama o ponašanju građana u stanju epidemije (obavješteno svako domaćinstvo na području Općine Trnovo), nabavljeno je 1000 komada kvalitetnih zaštitnih maski (koje se mogu višestruko koristiti) za sve uposlene i starije osobe na području Općine Trnovo, redovno se vrši dezinfekcija i pranje javnih površina i objekata, dostavljeni su paketi osobama koje su u stanju socijalne potrebe (106 komada).

Od ostalih općinskih štabova civilne zaštite s područja Kantona Sarajevo putem njihovih operativnih centara civilne zaštite smo obavješteni, da kontinuirano rade na provođenju preventivnih mjera zaštite i spašavanja, na čišćenju i pranju ulica, trotoara i drugih javnih površina, kao i dezinfekcija javnih objekata, ulica, trotoara, javnih stepeništa, trgova, javnih parkinga i drugih prostora, kao i na nabavci neophodne zaštite opreme i sredstava.

U izvještajnom periodu Kantonalni operativni centar civilne zaštite primio je dvije informacije o pronalasku NUS-a i to:

- dana, 30.03.2020. godine u 10:00 sati od PS Novi Grad, da je u ulici Branislava Nušića br.106. pronađena jedna ručna bomba,
- dana, 30.03.2020. godine u 13:00 sati od CZ Hadžići, da je na lokalitetu Žunovnica pronađen nepoznat NUS.

O primljenim informacijama obaviješteni su pripadnici Tima za UES Federalne uprave civilne zaštite, koji će navedena neeksplozirana ubojna sredstva preuzeti u narednom periodu.



Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 7 intervencija manjeg intenziteta i jednu tehničku intervenciju.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila -1°C, vlažnost zraka 86%, barometarski pritisak 944,7 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski, željeznički saobraćaj je obustavljen po naredbi Federalnog Štaba civilne zaštite.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1